



HEinricus Lingensis honestis parētibus natus & in omni genere literarum optimè institutus fuit. Cū is adoleuisset, sese ad uarias Germaniæ academias, & præsertim Rostochium contulit, & Philosophiæ magna diligentia incubuit. In primis uerò Mathematicis disciplinis operã dedit, & earũ magnum sibi usum comparauit. Itaq; factum ut in academia Rostochiana publicus artium professor constitueretur. In ea uocatione Heinricus diligentissimus fuit, atq; ob præclaram eruditionem atq; uarias animi uirtutes omnib. doctis innotuit. Scripsit is libellum de cõmunibus & usitatis Arithmeticæ Practicæ regulis, atq; Colonia 1544 edidit. Pari ratione librum de minutijs Physicis, & Practicis Astronomicæ Arithmeticę regulis composuit, & publicauit. Cum hoc modo pergeret, atq; suam professionem exornaret, cunctis gratisissimus fuit, & multorum gratiam sibi conciliauit. Con. Gess. in Bib.